

JP Nacionalni park „Una“ d.o.o. Bihać
Ul. Bosanska br. 1.
77 000 B I H A Ć
Nadzorni odbor
Broj: 02-3411-3/18
Bihać, 12.12.2018. godine

Na temelju člana 16., a u vezi sa članom 9. stav 2. tč. 1. Zakona o Nacionalnom parku „Una“ („Službene novine Federacije BiH“ broj: 44/08) i člana 38. Statuta JP Nacionalni park „Una“, d.o.o. Bihać („Službene novine Federacije BiH“ broj: 58/09 i 31/14) (u daljem tekstu Javno preduzeće), Nadzorni odbor Javnog preduzeća, na prijedlog direktora na 2. sjednici održanoj 20. decembra 2018. godine, donosi

P R A V I L A

o uvjetima i načinu organizacije sportsko-rekreativnog ribolova na vodenim tokovima u području Nacionalnog parka „Una“ za 2019. godinu

Član 1.

Pravna i fizička lica koja organizuju sportsko-rekreativni ribolov na vodenim tokovima području Nacionalnog parka „Una“ dužna su:

- ishoditi registraciju pravnog subjekta koje je registrirano da vrši usluge iz oblasti turizma,
- otkupiti ribolovne dozvole od JP Nacionalni park „Una“ d.o.o. Bihać sukladno članu 9. Odluke o uvjetima i načinu organizacije sportsko - rekreativnog ribolova na vodenim tokovima u području Nacionalnog parka „Una“ za 2019. godinu (u daljem tekstu Odluka),
- svakom posjetitelju-ribolovcu izdati odgovarajuću dozvolu JP Nacionalni park „Una“ d.o.o. Bihać za obavljanje sportsko-rekreativnog ribolova u području Nacionalnog parka „Una“,
- upravi ili nadzorničkoj službi JP Nacionalni park „Una“ d.o.o. Bihać najaviti termin izlaska posjetitelja-ribolovca na vodu,
- upoznati posjetitelje-ribolovce sa pravilima sportskog ribolova koja vrijede u području Nacionalnog parka „Una“ kao i općim pravilima ponašanja u zaštićenom području,
- osigurati transport i prihvat ljudi i vozila na način da se ne narušava prirodni okoliš.

Član 2.

Opća pravila za sve ribolovne revire:

- izlazak na vodu je dozvoljen samo uz posjedovanje ribolovne dozvole izdane od strane JP Nacionalni park „Una“ d.o.o. Bihać i uz prethodnu najavu nadzorniku na terenu ili osoblju parka u info i ulaznim kućicama u Kulen Vakufu i Martin Brodu,

- ribolov iz vode je zabranjen sa rancem ili nekom drugom vrstom torbe koji se moraju odložiti na obalu rijeke,
- nije dozvoljeno vršiti ribolov iz unske lađe ili bilo kojeg drugog plovila, kao i sa mostova koji se nalaze na vodenim tokovima u području Nacionalnog parka „Una“,
- strogo je zabranjena upotreba živih mamaca i kruha,
- ribolov počinje u 7,00 h, a završava:
 - od 01. marta do 01. maja u 18 h,
 - od 01. maja do 30. augusta u 21 h,
 - od 01. septembra do 01. oktobra u 19 h,
- ribolov čekanjem (tzv. „čeka“) nije dopušten,
- nije dozvoljeno loženje otvorene vatre na području Nacionalnog parka osim na mjestima koja su određena i označena za tu namjenu,
- strogo je zabranjeno odlaganje smeća u i uz vodene tokove i na druga mjesta u prirodi koja nisu određena i označena za ovu namjenu,
- nije dozvoljeno loviti i uznemiravati divlje životinje, ubirati šumske plodove i biljke koje obitavaju i imaju stanište na području Nacionalnog parka „Una“,
- nije dozvoljeno parkirati vozila na mjesta koja nisu određena i označena za tu namjenu,
- zabranjeno je kampirati na području Nacionalnog parka „Una“ osim na mjestima koja su određena i označena za tu namjenu,
- djeca starosti do 13 godina ne plaćaju ribolovnu dozvolu, pod uvjetom da su tokom ribolova nadzirana od strane punoljetne osobe koja ima ribolovnu dozvolu izdanu od strane JP Nacionalni park „Una“ d.o.o. Bihać, te ta osoba odgovara za postupke maloljetnog ribolovca kojeg nadzire. Riba koju ulovi ribolovac do 13 godina starosti računa se u dozvoljenu kvotu ribolovne dozvole punoljetne osobe koja ga nadzire u skladu sa važećim propisima,
- nadzornici Nacionalnog parka „Una“ prilikom kontrole ribolovac ovlašteni su zatražiti da im isti predoči ribolovnu dozvolu i lični dokument, kao i izvršiti pregled opreme, ulovljene ribe, ranca ili drugih torbi, vozila i dr.,
- svi sportski ribolovci po završetku ribolova dužni su se odjaviti kod Nadzorničke službe JP Nacionalni park „Una“ d.o.o. Bihać iz razloga evidencije broja komada ulovljene ribe, kontrole veličine i vrste riba.

Posebna pravila za ribolov mušičarenjem (fly fishing-om):

- ribolov se vrši svaki dan u periodu 1. maja do 01. oktobra tekuće godine, osim u posebnom reviru „Unac“ koji se nalazi u okviru revira br. 1 „Martin Brod“ gdje se ribolov vrši od 01. marta do 01. novembra, a kako je opisano u Odluci,
- nije dozvoljeno koristiti drugi pribor osim jednog štapa za mušičarenje/flyfishing,
- nije dozvoljeno korištenje udice sa kontra kukom,
- zabranjeno je postavljanje otežanja ispred ili iza udice,
- obavezna je upotreba meredova (bez kvržica),
- ribolov se vrši samo po principu „ulovi i pusti“.

Posebna pravila za ribolov sa vodenom kuglom (tzv.Wasserkugle) i tri suhe muhe ili varaličarenjem:

- nije dozvoljeno koristiti drugi pribor osim vodene loptice (tzv. Wasserkugle) sa tri suhe mušice tj. umjetne mamce uobičajene za ovu vrstu ribolova, kao i umjetne mamce uobičajene kod ribolova varaličarenjem,
- ribolov se vrši samo određenim danima tokom ribolovne sezone, a to su: petak, subota i nedjelja.

Član 3.

Svi sportski ribolovci po završetku ribolova dužni su se odjaviti kod Nadzorničke službe JP Nacionalni park „Una“ d.o.o. Bihać iz razloga evidencije broja komada ulovljene ribe, kontrole veličine i vrste riba.

Član 4.

Nadzor nad provođenjem Odluke o uvjetima i načinu organizacije sportsko - rekreativnog ribolova na vodenim tokovima u području Nacionalnog parka „Una“ za 2019. godinu i ovih Pravila, vršiti će Nadzornička služba JP Nacionalni parka „Una“ d.o.o. Bihać sukladno Uredbi o organizaciji, načinu rada i ovlastima nadzorničke službe zaštite prirode („Službene novine Federacije BiH“ broj: 14/16). Inspeksijski nadzor nad provođenjem određaba Odluke, Pravila i ostalih propisa donesenih na temelju Zakona o Nacionalnom parku „Una“ („Službene novine Federacije BiH“ broj: 44/08), Zakona o zaštiti prirode FBiH („Službene novine Federacije BiH“ broj: 66/13) i drugih propisa, vršiti će i Federalni i drugi nadležni inspektori.

Član 5.

Kršenjem određaba Pravila o uvjetima i načinu organizacije sportsko – rekreativnog ribolova na vodenim tokovima u području Nacionalnog parka „Una“ za 2019. godinu, prekršioc će biti sankcionisan kako je propisano Odlukom o uvjetima i načinu organizacije sportsko - rekreativnog ribolova na vodenim tokovima u području Nacionalnog parka „Una“ za 2019. godinu.

Član 6.

Ova Pravila stupaju na snagu danom donošenja, a primjenjivati će se za kalendarsku 2019. godinu .

Predsjednik Nadzornog odbora

prof. Saša Sokač